


BOSNA I HERCEGOVINA
FEDERACIJA BOSNE I HERCEGOVINE
KANTONALNI SUD U SARAJEVU
Broj: 09 0 V 015373 12 V
Sarajevo, 07.12.2012.godine



Kantonalni sud u Sarajevu i to sudija Sanela Kovač-Grabonjić, rješavajući u vanparničnom postupku po zahtjevu predlagatelja H.S. kojeg zastupa **advokat Alma PRNJAVORAC**, radi priznanja odluke stranog suda, van ročišta, dana: 07.12.2012.godine donio je:

RJEŠENJE

Priznaje se odluka stranog suda – odluke o razvodu braka Jefferson Sud, Odjel za porodice br 10 CI 5008258 od 24.02.2011.godine prema kojem je razveden brak između tužitelja H.S i tužene D.S. koji je bio zaključen 02.12.1995.g. kao i odluke Jefferson sud, Odjel za porodice br. 10 CI 5008258 od 24.02.2011.g o povjeravanju troje djece ocu H.S. uz obavezu majke D.S. na izdržavanje djece u mjesečnom iznosu od 349,05 US \$ počevši od 11.oktobra.2011.godine pa se ove odluke izjednačavaju sa odlukom suda donesenog u Bosni i Hercegovini i proizvodi pravo dejstvo u Bosni i Hercegovini.

Obrazloženje

Predlagatelj je dana 17.04.2012.g. putem punomoćnice podnio prijedlog za priznanje odluke stranog suda – odluke iz Sjedinjenih američkih država, Jefferson sud, Odjel za porodice br. 10 CI 5008258 od 24.02.2011.godine o izvršavanju djece u mjesečnom iznosu od 349,05 \$ počevši od 11.oktobra 2011.g. i dopunjene odluke o razvodu braka Jefferson sud, Odjel za porodice br. 10 CI 5008258 od 24.02.2011.g. prema kojem je razveden brak između tužitelja H.S i tužene D.S koji je bio zaključen 02.decembra 1996.g. sa odlukom da je tužitelj staratelj troje malodobne djece rođenih u tom braku. Ispitujući prijedlog i odluku čije se priznanje traži, podnesenu uz prijedlog u originalu i snabdjevenu potvrdom pravomoćnosti te ovjereni prevod od strane stalnog sudskog tumača za engleski jezik ovaj sud je našao da su ispunjeni zakonski uvjeti iz odredaba člana 86-96 Zakona o rješavanju sukoba Zakona s propisima drugih zemalja u određenim odnosima („Sl. List SFRJ“ br. 43/082 i 72/82, Sl list R BiH“ 2/92, 13/94) i da ne postoje zakonske smetnje za priznanje navedene presude inozemnog suda da proizvede pravno dejelovanje u Bosni i Hercegovini.

Navedene odluke su postale pravosnažne pa su kao takve podobne za priznanje, radi čega je ovaj sud na osnovu člana 101. citiranog Zakona te člana 28.stav 3 tačka e. Zakona o sudovima u Federaciji Bosne i Hercegovine odlučio kao izreci.

Sudija

Sanela Kovač-Grabonjić

POUKA: Protiv ovog rješenja dozvoljena je žalba Vrhovnom sudu FBiH u roku od 15 dana od dana prijema. Žalba se podnosi putem ovog suda u dovoljnom broju primjeraka.